

將軍騶力等為吞漢將軍入白沙武林梅領殺漢三校

尉是時漢使大司農張成故山州侯齒將屯

師古曰齒城陽恭王

子也舊封山州侯

不敢擊卻就便處

師古曰卻退也音丘略反

皆坐畏懦誅

餘善刻武帝璽自立詐其民為妄言

師古曰妄自尊大也

上遣橫

海將軍韓說出句章

師古曰說讀曰悅句章會稽之縣

浮海從東方往

樓船將軍僕出武林

師古曰楊僕也

中尉王溫舒出梅領粵侯

為戈船下瀨將軍出如邪白沙元封元年冬咸入東粵

東粵素發兵距嶮使徇北將軍守武林敗樓船軍數校

尉殺長史樓船軍卒錢唐棧終古斬徇北將軍

師古曰錢唐會稽縣也棧音袁

為語兒侯

孟康曰越中地也今吳南亭是師古曰語字或作籀或作